



逸雅

卷之一

小字雅共四



服部文庫
117
299
1



117
277
/

逸雅目錄

卷之一

釋天

釋地

釋山

釋水

釋丘

釋道

卷之二

右反

目錄

釋州國

釋形體

卷之三

釋姿容

釋長幼

釋親屬

卷之四

釋言語

釋飲食

釋絲帛

釋首飾

卷之五

釋衣服

釋宮室

卷之六

釋牀帳

釋書契

釋典藝

卷之七

釋用器

釋樂器

釋兵

釋車

釋船

卷之八

釋疾病

釋喪制

逸雅卷之一

漢

釋名

釋天

劉

熙成國撰

明

石九鼎禹治重訂

天豫司充冀以舌腹言之天顯也在上高顯也青徐以舌頭言之天垣也垣然高而遠也春日蒼天陽氣始發色蒼蒼也夏曰昊天其氣布散皓皓也秋日昊天旻閔也物就枯落可閔傷也冬曰上天其氣止騰與地絕也故月令曰天氣上騰地氣下降易謂之乾



乾健也健行不息也又謂之玄玄懸也如懸物在上也日實也光明盛實也月缺也滿則缺也光晃也晃晃然也亦言廣也所照廣遠也景境也明所照處有境限也晷規也如規畫也曜耀也光明照耀也星散也列位布散也宿宿也星各止宿其處也氣飭也飭然有聲而無形也風充豫司冀橫口合脣言之風汜也其氣博汜而動物也青徐言風馭口開脣推氣言之風放也氣放散也陰陰也氣在內與蔭也陽揚也氣在外發揚也寒

捍也捍格也暑煮也熱如煮物也熱藝也如火所燒藝也雨羽也如鳥羽動則散也春蠢也動而生也夏假也寬假萬物使生長也秋緝也緝迫品物使時成也冬終也物終成也四時四方各一時時期也物之生死各應節期而止也年進也進而前也歲越也越故限也唐虞曰載載生物也殷曰祀祀已也新氣升故氣已也五行者五氣也於其方各施行也金禁也其氣剛嚴能禁制也木冒也華葉自覆冒也水準也準其物也火

化也消化物也亦言毀也物入中皆毀壞也 土味
也能吐生萬物也 子孳也陽氣始萌孳生於下也
於易為坎坎險也 丑紐也寒氣自屈紐也於易為
艮艮限也時未可聽物生限止之也 寅演也演生
物也 卯冒也載冒土而出也於易為震二月之時
雷始震也 辰伸也物皆伸舒而出也 巳巳也陽
氣畢布已也於易為巽巽散也物皆生布散也 午
件也陰氣從下上與陽相件逆也於易為離離麗也
物皆附麗陽氣以茂也 未昧也日中則昃同幽昧

也 申身也物皆成其身體各申束之使備成也
酉秀也秀者物皆成也於易為兌兌悅也物得備足
皆喜悅也 戌恤也物當收斂矜恤之也亦言脫也
落也 亥核也收藏百物核取其好惡真偽也亦言
物成皆堅核也 甲孚也萬物解孚甲而生也 乙
軋也自抽軋而出也 丙炳也物生炳然皆著見也
丁壯也物體皆丁壯也 戊茂也物皆茂盛也
巳紀也皆有定形可紀識也 庚猶更也庚堅強貌
也 辛新也物初新者皆收成也 壬姤也陰陽交

物懷妊也至子而萌也 癸揆也揆度而生乃出之也 霜喪也其氣慘毒物皆喪也 露慮也覆慮物也 雪綬也水下遇寒氣而凝綬綬然也 霰星也水雪相搏如星而散也 霖霖小雨也言裁霖歷霽清如人沐頭惟及其上衣而根不濡也 雲猶云云衆盛意也又言運也運行也 雷碾也如轉物有所碾雷之聲也 電殄也乍見則殄滅也 震戰也所擊輒破若攻戰也又曰辟歷辟折也所歷皆破折也 雹砲也其所中物皆摧折如人所盛砲也 虹攻

也純陽攻陰氣也又曰蛟竦其見每於日在西而見於東掇飲東方之水氣也見於西方曰升朝日始升而出見也又曰美人陰陽不和婚姻錯亂淫風流行男美於女女美於男恒相奔隨之時則此氣盛故以其盛時名之也 霓靄也其體斷絕見於非時此災氣也傷害於物如有所食靄也 暈捲也氣在外捲結之也日月俱然 陰而風曰曠曠翳也言掩翳日光使不明也 風而雨土曰霾霾晦也言如物塵晦之色也 珥氣在日兩旁之名也珥珥也言似人耳

之在面旁也 日月虧曰食稍稍侵虧如蟲食草木
葉也 晦灰也火死為灰月光盡似之也 朔蘇也
月死復蘇生也 弦月半之名也其形一旁曲一旁
直若張弓施弦也 望月滿之名也月大十六日小
十五日日在東月在西遙相望也 昏損也陽精損
滅也 晨伸也旦而日光復伸見也 稜侵也赤黑
之氣相侵也 氛粉也潤氣著草木因寒凍凝色白
若粉之形也 霧冒也氣蒙亂覆冒物也蒙日光不
明蒙蒙然也 彗星光稍似彗也 字星星旁

氣字字然也 筆星星氣有一枝末銳似筆也 流
星星轉行如流水也 在矢齊魯謂光景為在矢言
其光行若射矢之所至也亦言其氣枉暴有所災害
也 厲疾氣也中人如磨厲傷物也 疫役也言有
鬼行疫也 疠截也氣傷人如有斷截也 灾裁也
火所燒滅之餘曰裁言其於物如是也 害割也如
割削物也 異者異於常也 膏瘡也如病者瘡瘦
也 慝態也有姦態也 妖歿也歿害物也 孽孽
也遇之如物見髡孽也

釋地

地者底也其體底下載萬物也亦言諦也五土所生莫不信諦也易謂之坤坤順也上順乾也土吐也吐生萬物也已耕者曰田田填也五稼填滿其中也壤瀼也肥濡意也廣平曰原原元也如元氣廣大也高平曰陸陸澆也木流澆而去也下平曰衍言漫衍也下濕曰隰隰蟄也蟄溼意也而有水曰澤言潤澤也地不生物曰鹵鹵爐也如爐火處也徐州貢土五色有青黃赤白黑也土

青曰黎似黎草色也土黃而細密曰埴埴膩也黏

肥如脂之膩也土赤曰鼠肝似鼠肝色也土白

曰漂漂輕飛散也土黑曰盧盧然解散也

釋山

山產也產生物也土山曰阜阜厚也言高厚也大阜曰陵陵隆也體高隆也山頂曰冢冢腫也言腫起也山旁曰陂言陂陁也山脊曰岡岡亢也在上之言也山旁隴間曰涌涌猶桶狹而長也山大而高曰嵩嵩竦也亦高稱也山小高曰岑岑嶮也

嶄然也 上銳而長曰嶄形似橋也 小山別大山
曰甌甌甌也甌一孔者甌形孤出處似之也 山
多小石曰礫礫堯也每石堯堯獨處而出見也 山
多大石曰礧礧學也大石之形學學形也 山有草
木曰岵岵怙也人所怙取以為事用也 山無草木
曰岵岵圯也無所出生也 山上有水曰埒埒脫也
脫而下流也 石載土曰岨岨臚然也土載石曰崔
崑因形名之也 山東曰朝陽山西曰夕陽隨日所
照而名之也 山下根之受雷處曰叻叻也叻得

山之肥潤也 山中叢木曰林林森也森森然也
山足曰麓麓陸也言水流順陸燥也 山體曰石石
格也堅捍格也 小石曰礫礫料也小石相枝柱其
間料料然出內氣也 木外曰出曰叢叢言叢叢其
釋水 天下大水四謂之四瀆江河淮濟是也 瀆獨也各
獨出其所而入海也 江公也小水流入其中公共
也 淮圍也圍繞揚州比界東至海也 河下也隨
地下處而通流也 濟濟也源出河北濟河而南也

右坂逸雅

卷一

七

川穿也穿地而流也 山夾水曰澗澗間也言在
兩山之間也 水正出曰濫泉濫銜也如人口有所
銜口闔則見也 懸出曰沃泉水從上下有所灌沃
也 側出曰沈泉沈軌也流挾而長如車軌也 所
出同所歸異曰泚泉本同出時所浸潤少所歸各枝
散而多似泚者也 水從河出曰雍沛言在河岸限
內時見雍出則沛然也 水上出曰湧泉瀆泉並是
也 水沃出所為澤曰掌水停處如手掌中也今兗
州人謂澤曰掌也 水決復入為汜汜已也如出有

所為畢已而還入也 風吹水波成文曰瀾瀾連也
波體轉流相及連也 水小波曰淪淪倫也小文相
次有倫理也 水直波曰涇涇徑也言如道徑也
水草交曰湄湄眉也 水如眉臨目也水經川歸之
處也 海晦也王承穢濁其水黑如晦也 水注谷
曰溝田間之水亦曰溝溝構也縱橫相交構也 注
溝曰澮澮會也小溝之所聚會也 水中可居者曰
洲洲聚也人及鳥物所聚息之處也 小洲曰渚渚
遮也體高能遮水使從旁起也 小渚曰汙汙止也

小可以止息其上也。小止曰沃沃遲也能遏水使
流遲也。人所為之曰瀟瀟術也堰使水鬱術也魚
梁水碓之謂也。海中可居者曰島島到也人所奔
到也亦言鳥也物所赴如鳥之下也。

釋丘

丘一成曰頽丘一頓而成無上下大小之殺也。再
成曰陶丘於高山上一重作之如陶甃然也。三成
曰崑崙丘如崑崙之高而積重也。前高曰髦丘如
馬舉頭垂髦也。中央下曰宛丘有丘宛宛如偃器

也。涇上有一泉水亦是也。偏高曰阿丘阿荷也如
人擔荷物一邊偏高也。畝丘丘體滿一畝之地也。
圜丘方丘就其方圓名之也。銳上曰融丘融明
也明陽也凡上銳皆高而近陽者也。如乘曰乘丘
四馬曰乘一基在後似車四列在前似駕車馬之形
也。如階者曰階丘形似水中之高地隆高而
廣也。水潦所止曰泥丘其止污水留不去成泥也。
澤中有丘曰都丘言蟲鳥往所都聚也。當途曰
梧丘梧忤也與人相當忤也。道出其右曰右畫人

尚右凡有指畫皆用右也 道出其前曰載丘在前
故載也 道出其後曰昌丘 水出其前曰趾丘趾
基趾也言所出然 水出其後曰阻丘此水以爲險
也 水出其右曰趾丘趾止也西方義氣有所制止
也 水出其左曰營丘 丘高曰陽丘體高近陽也
宗丘邑中所宗也

釋道

道一達曰道路道蹈也 路露也人所踐蹈而露見
也 二達曰岐旁物兩爲岐在邊曰旁此道並通出

似之也 三達曰劇旁古者列樹以表道道有夾溝
以通水潦恒見修治之道旁轉多用功稍劇也 四
達曰衢齊魯謂四齒把爲擢擢把地則有四處此道
似之也 五達曰康康昌也昌盛也車步併列並用
之言克盛也 六達曰莊莊衰也衰其上使高也
七達曰劇驂驂馬有四耳今此道有七比於劇也
八達曰崇期崇充也道多所通人充滿其上如共期
也 九達曰達齊魯謂道多爲達師此形然也 城
下道曰隰隰翹也都邑之內翹翹祖駕之處也 步

所用道曰蹊蹊係也射疾則用之故還係於正道也
徑經也人所經由也 鹿兔之道曰亢行不由正
亢陌山谷草野而過也 涂度也人所由得通度也

神田仙橋子訂誤

逸雅卷之一終

逸雅卷之二

漢 劉 熙成國撰 明 石九鼎禹治重訂

釋名

釋州國

青州在東取物生而青也州注也郡國所注仰也
徐州徐舒也土氣舒緩也 揚州州界多水水波揚
也 荊州取名於荆山也必取荆為名者荆警也南
蠻數為寇逆其民有道後服無道先疆常警備之也
豫州地在九州之中京師東都所在常安豫也

涼州西方所在寒涼也 雍州在四山之內雍翳也

并州曰土無也其州或并或設故因以為名也

幽州在北幽昧之地也 冀州亦取地以為名也其

地有險有易帝王所都亂則冀治弱則冀疆荒則冀

豐也 兖州取兖水以為名也 司州司隸校尉所

至也 益州益阨也所在之地險阨也 古有營州

齊衛之地於天文屬營室取其名也 燕宛也北方

沙漠平廣此地在涿鹿山南宛宛然以為國都也

宋送也地接淮泗而東南傾以為殷後若云萍緄所

在送使隨流東入海也 鄭町也其地多平町町然

也 楚辛也其地蠻多而人性急數有戰爭相爭相

害辛楚之禍也 周地在岐山之南其山四周也

秦津也其地沃衍有津潤也 晉進也其土在北有

事於中國則進而南也 又取晉水以為名其水迅進

也 趙朝也本小邑朝事於大國也 魯魯鈍也國

多山水民性樸魯也 衛衛也既滅殷立武庚為殷

後王監以守衛之也 齊齊也地在渤海之南勃齊

之中也 吳虞也太伯讓位而不就歸封之於此虞

右

卷二

二

其志也 越夷蠻之國也度越禮義無所拘也此十
三國上應列宿各以其地及於事宜制此名也至秦
改諸侯置郡縣隨其所在山川土形而立其名漢就
而因之也 河南在河之南也 河內河水從岐山
而南從雷首而東從譚首而北郡在其內也 河東
在河水東也 河西在河水西也 上黨黨所也在
山上其所最高故曰上也 潁川因潁水為名也
汝南在汝水南也 汝陰在汝水陰也 東郡南郡
皆以京師方面言之也 北海海在其北也 西海

海在其西也 南海在海南也宜言海南欲同四海
名故言南海 東海海在其東也 濟南濟水在其
南也 濟北濟水在其北也義亦如南海也 濟陰
在濟水之陰也 南陽在國之南而地陽也凡若此
類郡國之名取號於此則其餘可知也縣邑之名亦
如之 大曰邦邦卦也封有功於是也 國城曰都
者國君所居人所都會也 周制九夫為井其制似
井字也四井為邑邑猶悒也邑人聚會之稱也 四
邑為丘丘聚也 四丘為甸甸乘也出兵車一乘也

鄙否也小邑不能遠通也 縣懸也懸係於郡也
郡羣也人所羣聚也 五家為伍以五為名也又
謂之鄰鄰連也相接連也又曰比相親比也 五鄰
為里居方一里之中也 五百家為黨黨長也一聚
之所尊長也 萬二千五百家為鄉鄉向也衆所
也 釋形體 人仁也仁生物也故易曰立人之道曰仁與義 弟也骨肉毛血表裏大小相次第也 軀區也是衆

名之大總若區域也 形有形象之異也 身伸也
可屈伸也 毛貌也胃也在表所以別形貌且以自
覆冒也 皮被也被覆體也 膚布也布在表也
肌懽也膚幕堅懽也 骨滑也骨堅而滑也 筋枝
也似水之枝格也 肉柔也 筋力也肉中之力氣
之元也斬固於身形也 膜幕也幕絡一體也 血
藏也出於肉流而藏藏也 膿醲也汁醲厚也 汗
也涕涕而出也 津進也汁進出也 洵澤也
潤澤也 汗澤也出在於表澤澤然也 髓遺也遺

澆也。髮拔也。拔擢而出也。鬢峻也。所生高峻也。
髦冒也。覆冒頭頸也。眉媚也。有娥媚也。頭獨
也。於體高而獨也。首始也。面漫也。額鄂也有
垠鄂也。故幽州人則謂之鄂也。角者生於額角也。
頰鞞也。偃折如鞞也。目默也。默而內識也。眼
限也。童子限限而出也。睫插接也。插於眼眶而相
接也。瞳子瞳重也。膚鼻相裹重也。子小稱也。主謂
其精明者也。或曰眸子眸子也。相裹冒也。鼻嚏也。
出氣嚏嚏也。口空也。頰夾也。兩旁稱也。亦取狹

歛食物也。舌泄也。舒泄所當言也。齒始也。少長
之別始乎此也。以齒食多者長也。食少者幼也。頤
養也。動於下止於上。上下咀物以養入也。牙揅牙
也。隨形言之也。輔車其骨強所以輔持口也。或曰
牙車牙所載也。或曰頷頷舍也。口含物之車也。或曰
頰車亦所以載物也。或曰鼪車鼪鼠之食積於頰人
食似之故取名也。凡繫於車皆取在下載上物也。
耳形也。耳有一體屬著兩邊形形然也。脣緣也。口
之緣也。吻免也。入之則碎出則免也。又取拔也。漱

唾所出恒加拭因以為名也。舌卷也可以卷制食物使不落也。鼻下曰立人取立於鼻下挾而長似人立也。口上曰髭髭姿也為姿容之美也。口下曰承漿漿水也。頤下曰鬚鬚秀也物成乃秀人成而鬚生也亦取須體幹長而後生也。在頰耳旁曰髯隨口動搖髯髯然也。其上運髮曰鬢鬢濱也濱崔也為面頰之岸岸也。曲頭曰距距也言其曲似距也。項確堅確也受梳之處也。頸徑也徑挺而長也。咽咽物也。嚙在頤纓理之中也青

徐謂之脰物投其中受而下之也。又謂之嗑氣所流通阨要之處也。胡互也在咽下垂能飲互物也。胸猶空也空氣所衝也。臆猶抑也抑氣所塞也。膺壅也氣所壅塞也。腹複也富也腸胃之屬以自裹盛復於外複之其中多品似富者也。心纖也所識纖微無物不貫心也。肝幹也五行屬木故其體狀有枝幹也凡物以大為幹也。肺勃也言其氣勃鬱也。脾裨也在胃下裨助胃氣主化穀也。腎引也腎屬水主引水氣灌注諸脉也。胃圍也圍受食

物也。腸暢也。通暢胃氣去滓穢也。臍濟也。腸端之所限制也。胞韜也。韜空虛之言也。主以虛承水。灼也。或曰膀胱言其體短而橫廣也。自臍以下曰水腹。水灼所聚也。又曰少腹。少小也。比於臍以上為小也。陰蔭也。言所在蔭翳也。脇狹也。在兩旁臂所挾也。助勑也。檢勑五臟也。膈塞也。塞上下使氣與穀不相亂也。腋繹也。言可張翕尋繹也。肩堅也。甲關也。與胸脇皆相會關也。臂裨也。在旁曰裨也。肘注也。可隱注也。腕宛也。言可宛屈也。

掌言可以排掌也。手須也。事業之所須也。節有限節也。爪紹也。筋極為爪紹續指端也。皆倍也在後稱也。脊積也。積續骨節終上下也。尾微也。承脊之末稍微殺也。要約也。在體之中約結而小也。髓緩也。其腋皮厚而緩也。臂殿也。高厚有殿還也。尻寥也。尻所在廖牢深也。樞機也。要髀股動搖如樞機也。髀卑也。在下稱也。股固也。為強固也。膝伸也。可屈伸也。脚却也。以其坐時却在後也。脛莖也。直而長似物莖也。膝頭曰膊。膊圍

也因形團圓而名之也。或曰踡踡扁也亦因形而名之也。足續也言續脛也。或趾止也言行一進一止也。蹄底也。足底也。蹠踡也居足兩旁確確然也亦因其形蹠蹠然也。足後曰跟在旁著地一體任之象木根也。踵鐘也鐘聚也上體之所鍾聚也。

神田仙橋子訂誤

逸雅卷之二終

逸雅卷之三

漢金劉向 熙成國撰 明石九鼎禹治重訂

姿資也資取也形貌之稟取為資本也。容用也合事宜之用也。妍研也研精於事宜則無蚩繆也蚩癡也。兩脚進日行行抗也抗足而前也。徐行曰步步捕也如有所伺捕務安詳也。疾行曰趨趨赴也赴所至也。疾趨曰走走奏也促有所奏至也。

疾趨曰走走奏也促有所奏至也。

奔變也有急變奔赴之也 值踏也頓踏而前也
 超卓也舉脚有所卓越也 跳條也如草木枝條務
 上行也 立林也如林木森然各駐其所也 騎支
 也兩脚支別也 乘陞也登亦如之也 載載也在
 其上也 擔任也任力所勝也 負背也置頂背也
 駐株也如株木不動也 坐挫也骨節挫屈也
 伏覆也偃安也 僵正直暈然也 側逼也 據居
 也 企啓開也目延踈之時諸機樞皆開張也 竦
 從也體皮皆從引也 視是也察是非也 聽靜也

靜然後所聞審也 觀翰也望之延頸翰翰也 望
 茫也遠視茫茫也 跪危也兩膝隱地體危倪也
 蹠忌也見所敬忌不敢自安也 拜於丈夫為跌跌
 然屈折下就地也於婦人為扶自抽扶而上下也
 攀翻也連翻上及言也 掣制也制頤之使順已也
 牽弦也使弦急也 引演也徒演廣也 掬局也
 使相局近也 撮粹也暫粹取之也 擻义也五指
 俱往也 捉促也使相促及也 執攝也使長攝已
 也 拈黏也兩指翕之黏著不放也 扶鐵也其處

皮薰黑色如鐵也 蹋榻也榻著地也 批裨也兩
相裨助共擊之也 博博也四指廣博亦似擊之也
挾夾也在旁也 捧逢也兩手相逢以執之也
懷回也本有去意回來就己也亦言歸也來歸己也
抱保也相親保也 戴載也載之於頭也 提地
也臂垂所持近地也 挈結也結束也束持之也
持跣也跣之於手中也 操抄也手出其下之言也
攬斂也斂置手中也 擁翁也翁撫之也 撫敷
也敷手以拍之也 拍搏也手搏其上也 摩娑猶

未殺也手上下之言也 感遵也遵迫之也 踐殘
也使殘壞也 踏藉也以足藉也 履以足履之因
以名之也 蹈道也以足踐之如道路也 跣也
足踐之使弭服也 躡屩也登其上使屩服也 匍
匍小兒時也匍猶捕也藉索可執取之言也 匍伏也
伏地行也人雖長大及其求事盡力之勤猶亦稱之
詩曰凡民有震匍匐救之是也 偃蹇也偃息而臥
不執事也 蹇跛蹇也病不能作事今託病似此而
不宜執事役也 望佯佯陽他言陽氣在上舉頭高

似若望之然也 沐禿也沐者髮下垂禿者無髮皆
無上貌之稱也 卦賣卦掛也自卦於市而自賣邊
自可無慙色言此似之也 倚筴倚仗也筴作清筴
也言人多技巧尚輕細如筴也 竄數猶局縮皆小
意也 齧掣卷掣也齧噬齧也語說卷掣與人相
持齧也 夬摘猶譎摘也如醫別人夬知疾之意見
事者之稱也 貸駮者貸言以物貸子駮者言必棄
之不復得也不相量事者之稱也此皆見於形貌者
也 臥化也精氣變化不與覺時同也 寐謐也靜

謐無聲也 寢權假臥之名也寢侵也侵損事功也
眠泯也無知泯泯也 覺告也 寤忤也能與物
相接忤也 欠歛也開張其口聲脣歛歛也 噫蹠
也聲作蹠而出也 笑鈔也頰皮上鈔者也

釋長幼

人始生日嬰兒胸前曰嬰抱之嬰前乳養之也或曰
嬰媿嬰是也言是人也 媿其啼聲也故因以名之也
男任也曲任事也 女如也婦人外成如人也故
三從之義少如父教嫁如夫侑老如子言青徐州曰

媿媿忤也始生時人意不喜媿忤然也言兒始能行
曰孺孺濡也言濡弱也七年曰悼悼逃也知有廉
恥隱逃其情也亦言是時而死可傷悼也毀齒曰
亂亂洗也毀洗故齒更生新也長長也言體
長也幼少也言生日少也十五曰童故禮有陽
童牛羊之無角者曰童山無草木曰童言未巾冠似
之也女子之未笄者亦稱之也二十曰弱言柔弱
也三十曰壯言丁壯也四十曰強言堅強也六
五十曰艾艾治也治事能斷割艾刈無所疑也六

十曰耆耆指也不從力役指事使人也七十曰老
頭髮白耄耄然也八十曰耄耄鐵也皮膚變黑色
如鐵也九十曰鮐背背有鮐文也或曰黃耆鬚髮
變黃也耆垢也皮色黧悴恒如有垢者也或曰胡耆
咽皮如鷄胡也或曰凍梨皮有班黑如凍梨色也或
曰齟齬大齒落盡更生細者如小兒齒也百年曰
期頤頤養也老昏不復知服味善惡孝子期於盡養
道而已也老朽也老而不死曰仙仙遷也遷人山
也故其制字人旁作山也

釋親屬

親櫬也言相隱櫬也 屬續也恩相連續也 父甫也始生已也 母冒也含生已也 祖祚也祚物先也又謂之王父王暉也家中所歸暉也 王母亦如之 曾祖從下推上祖位轉增益也 高祖高臯也最在上臯韜諸下也 兄荒也荒大也故青徐人謂兄為荒也 弟第也相次第而上也 子孳也相生蕃孳也 孫遜也遜道在後生也 曾孫義如曾祖也 玄孫玄懸也上懸於高祖在最下也 玄孫之子

日來孫此在無服之外其意疎遠呼之乃來也 孫之子曰昆孫昆貫也恩情轉遠以禮貫連之耳 昆孫之子曰仍孫以禮仍有之耳恩意實遠也 仍孫之子曰雲孫言去已遠如浮雲也 皆為卑娶脫死壽考者言也 父之兄曰世父言為嫡統繼世也又曰伯父伯把也把持家政也 父之弟曰仲父仲中也位在中也 仲父之弟曰叔父叔少也 叔之弟曰季父季癸也申乙之次癸最在下季亦然也 父之世叔父母曰從祖父母言從兒親祖別而下也亦

若及也

卷之三

言隨從已祖以為名也。父之姊妹曰姑姑故也。言於已為父故之人也。姊積也猶日始出積時多而明也。妹積也猶日始入歷時少尚昧也。姑謂兄弟之女為姪姪迭也共行事夫更迭進御也。父之夫曰舅舅久也久老稱也。夫之母曰姑亦言故也。母之兄弟曰舅亦如之也。妻之父曰外舅母曰外姑言妻從外來謂至已家為婦故反以此義稱之。夫妻匹敵之義也。妻之昆弟曰外甥其姊妹女也來歸已內為妻故其男為外甥之甥甥者生也他姓

子木生於外不得如其女來在已內也。姊妹之子曰出出嫁於異姓而生之也。出之子曰離生言遠離已也。姪之子曰歸孫婦人謂嫁曰歸姪子列故其所生為孫也。妻之姊妹曰娣娣弟也言與已妻相長弟也。母之姊妹曰姨亦如之禮謂之從母為娣而來則從母列也故雖不來猶以此名之也。娣妹互相謂夫曰私言於其夫兄弟之中此人與已娣妹有恩私也。舅謂姊妹之子曰甥甥亦生也出配他男而生故其制字男旁從生也。妾謂夫人之嫡

妻曰女君夫爲男君故名其妻曰女君也 嫂嫂也
矣老者稱也叟縮也人及物老皆縮小於舊也 叔
少也幼者稱也叔亦倣也見嫂倣然却退也 夫之
兄曰公公君也君尊稱也 俗間曰兄章章灼也章
灼敬奉之也又曰兄怙是已所敬見之怔忡自肅齊
也俗或謂舅曰章又曰怙亦如之也 少婦謂長婦
曰姒言其先來已所當法似也 長婦謂少婦曰娣
娣弟也以後來也或曰先後以來先後言之也 青
徐人謂長婦曰植長木苗先生者曰植取名於此也

荆豫人謂長婦曰熟熟祝也祝始也 兩壻相謂曰
亞言一人取娣一人取妹相亞次也 又並來至女氏
門娣夫在前妹夫在後亦相亞而相倚共成其禮也
又曰友壻言相親友也 婦之父曰婚言壻親迎用
昏又恒以昏夜成禮也 壻之父曰姻姻因也女往
因媒也 天子之妃曰后后後也言在後不敢以副
言也 諸侯之妃曰夫人夫扶也扶助其君也 鄉
之妃曰內子子女子也在閨門之內治家也 大夫
之妃曰命婦婦服也 服家事也 夫受命於朝妻受命

於家也。土庶人曰妻妻齊也。夫賤不足以尊稱，故齊等言也。天子之妾有嬪嬪賓也。妾之中見賓敬也。妾接也以賤見接幸也。姪姊曰媵，媵承事嫡也。配輩也。一人獨處一人往輩耦之也。匹辟也。往相辟耦也。耦適也。二人相對過也。日嫡敵也。與匹相敵也。庶撫也。拾撫之也。謂拾撫微陋待過之也。無妻曰鰥。鰥昆也。昆明也。愁悒不寐，目恒鰥鰥然也。故其字從魚，魚目恒不閉者也。無夫曰寡。寡蹠也。蹠蹠單獨也。言也。無父曰孤。孤顧也。顧望無所瞻

見也。

老而無子曰獨。獨隻獨也。言無所依也。

神田仙橋子訂誤

逸雅卷之三終

